

## Enno'sa' Kareta Isutu Winipaino Ekamanin

*Enno'sa' Kareta Isutu Winipaino* e'menukasa' panamanin pe ennakanin nan ti'sa amu' apurinin nan pe te'ku'san namai'no pe. Seri to'kenan imenukasa' kareta yau, 2 *Pi'ta* yawon warai ri mari, tənmenuka'pu ennin nan pori'mapi'sa' iya, “apurito' Kuri'san pe e'ni pi' wenai iyetoku kon pa Papa nūturū'pu tikin nan pari ri, tūsensimatōn pe pūra ri wakū ton ena'.”

### **Iyawon Ekamanin**

Ekamanin (1-2)

Ennakanin nan ti'sa amu' eseru, enupan nito'  
miri awonsi'ki to' uma'tato' (3-16)

Panaman tapurisen yau e'nito' pe (17-23)

Apuripitu pe ipureman (24-25)

<sup>1</sup> Isutu, Sises Kurai poitoru, Isens akon niri winipaino,

Kamoro iki'masa' kon, Papa Ikuipunu ni'nunka'san, miri awonsi'ki Sises Kurai nupa'sima'san enakan:

<sup>2</sup> Usentu'man nito', tūsewankamai' pūra e'nito', miri awonsi'ki usi'nunkan nito' nesii iiwano' kon pe miyari ri.

*Papa Uya Tasa' Pen Ni Awiri Te'san Makooi Miri  
Awonsi'ki To' Uma'tato'*

3 Utonpa ton nu'kwi, imenukapai'nokon esa' e'tane, ina nekamanu epika'tin nito' ekareei pi', imenukato' kon pe uya kuru e'kup#pu miri awonsi'ki ipan pe kuru iyekama'po kon pe apurito' Kuri'san pe e'ni pi' wenai iyetoku kon pa Papa nuturu'pu tikin nan pari ri, t#usensimat#on pe para ri waku ton ena'. 4 Apune para pena ri to' eno'mato' pi' iye'menukasa' ru'san taron kon ka'pon am# ewonsa' man ama'ai i'koro'ta'nokon. Papa uya tasa' pen ni awiri te'san ka'pon am#, Papa, itese' pi' e'nito' uya waku nonkasa' ensimanin nu'san makoi eseru ya', miri awonsi'ki Sises Kurai tikin nan ni riken eke, uyepuru kon tunonkai'.

5 Tanporo seri ton i'tusa' auya'nokon e'tane, iyemiya'pontipai'nokon esi Itepuru† uya tumunki am# enpa'ka'pu Isi' apai, miri awonsi'ki apurinin nan pen to' koro'tau te'san ma'tan#ku'pu iya. 6 Inseru am# niri kanan, eke pe te'to' kon yau enkurunpaino kon pen e'tane t#pata'se' kon nonkanin nu'san pi' iyemiya'ponti uya 'nokon—pusamoro ku'sa' iya ewarupi yau a'sisa' pe inke ri eseru wanni aimenkato' Weyu pona ri. 7 Miri kasa ri Satan miri awonsi'ki Komora miri awonsi'ki pata ton ipiyawo'nan yawon kon e'turu'pu ekuman miri awonsi'ki niki eseru ya'. Apo' inker# ke ekota'man nito' ento' ipi' pe to' esi'pu.

8 Miri na'ne' kasa kuru ri mari, pusamoro te'ne'pi'san uya t#pun kon ma'tan#ku, merunti

\* 1:4 Taron ni ton imenukasa' uya, pusamoro ennananin nan ti'sa am# esi usensiman i'se makoi yau uko'man nito' ya', Sises ri apurito' uya'nokon nonka uya'nokon i'se to' esi, ta. † 1:5 Itepuru, miri pe para Sises 1:5 E'sotas 12:51; Nonpa 14:29-30 1:7 Iseneses 19:1-24

tentino kon pe te'sen nurunpa, inseru amu' sapema ri niri. <sup>9</sup> E'tane Maikaru, inseru amu' epuru tonpa e'maimu'pitu a'tai Makoi a'kiri, Mosi' ekepu wenai isapema i'se iyese'pu pen e'tane, "Tiwi Itepuru iyese'remeku!" ta'pu iya. <sup>10</sup> E'tane ri pusamoro ka'pon amu' usauroku tuntu'ka'nukunu kon pen ni tusapemai'; to' nuto'ka'nukunu tupa'nokon, o' amu' tause'numinkasan pen kasa—seri iri ton uya kuru to' ma'tanuku miri.

<sup>11</sup> Isi yau to' esi! Keen e'ma ru'pu anansa' to' uya man; to' utisa' man tuneporonu kon epose'na Peran utano'ma'pu ya' kasa ri mari; to' uma'tasa' man tiwano' pe e'pai Kora esi'pu ya'.

<sup>12</sup> Pusamoro esi iri pe iteseru usi'nukan pe usewe'nito' yau, enta'nan pi' aya'kiri'nokon, mara ru'kwi ri to' ipiyi'to' pura ri—karimeru amu' pa'simanin nan tiwano' kon pe tautare'tisan pe ri to' esi. Kapuru' tuna a'kiron pen pe ri to' esi, a'setun nuposi'manu; wai a'taino yai ton, iteperu punon, miri awonsi'ki ikuru'kasa'—asa' ite'kwa ima'tasa' pe to' esi. <sup>13</sup> Parau pon isi sipa'sipa pe to' esi, to' ipiyi'to' a'koronta; siriki amu' tautano'ma kon pe tupa'ninsan, to' iwano' pe ipan ni ewarupi ekonekasa' tiwiro' pe ri.

<sup>14</sup> Iino', Atan awonsi'ki 7 pe iku'nin# usauroku'pu pu'kena' pe pusamoro pi': "Apune enti', Itepuru uye'ni pi' man 1,000 kaisaron kon pona ri 1,000 kaisaron kon, tu'kan kon waku

---

**1:9** Taniyeru 10:13, 21; 12:1; Isenpoikasa' 12:7; Isu'taronomi 34:6; Sakaraya 3:2   **1:11** Iseneses 4:3-8; Nonpa 22:1-35; 16:1-35  
 ‡ **1:14** 7 pe iku'nin: Seri itu'kanoro na'ne' esi Atan awonsi'ki Iino' pu'ka pona 7 pe iu'tisa' to' tamokori ton pe'ne.

ton tiwano' ton pokon pe <sup>15</sup> tanporon kon eseru aimenkase'na, miri awonsi'ki Papa uya tasa' pen ni awiri te'san eno'mase'na, Papa uya tasa' pen ni awiri te'san nukupu'pu Papa uya tasa' pen ni awiri te'san eseru yau, miri awonsi'ki tanporon ni isi pe Papa uya tasa' pen ni awiri te'san tumakooikena' nan usauro'sa' ru'pu ewa'noma pe," ta'pu iya. § <sup>16</sup> P#samoro ka'pon am# esi tentarunsan, iri inenpaino kon niken; i'se te'to' kon makoi eseru poro t#utisan; t#pi'nokon ni t#utapurisan miri awonsi'ki t#ron kon pi' waku pe itese' t#usauro'san waku epoto' pe t#uya'nokon.

### *Panaman Miri Awonsi'ki Enupan*

<sup>17</sup> E'tane, utonpa ton nu'kwi, iyenu kon yau iku'ti' uyepuru kon Sises K#rai nennoko'san nekama'pu ru'pu. <sup>18</sup> Ta'pu to' uya ipi'nokon, "Iweyu u'matu a'tai, sapeman pe t#uta'kirisian e'to' oton, iri eseru i'se te'to' kon awiri te'san," tawon. <sup>19</sup> P#samoro kamoro ka'pon am# ata'n#nin kon, t#pun kon eseru awiron kon Iya'kwar# esanon pen.

<sup>20</sup> E'tane, imiri'nokon, utonpa ton nu'kwi, waku kuru apurito' auya'nokon yau e'ka'ti', miri awonsi'ki ip#remati' Waku A'kwar# eseru yau. <sup>21</sup> Papa usi'n#nkato' yau e'ti', uyepuru kon Sises K#rai usentu'mato' enupikiri iwesi kon koro'tau, miyari ri iuko'manto' kon ya' ayase'na'nokon t#uye'sen.

---

**1:14** Iseneses 5:18, 21-24    § **1:15** Seri panton esi Esuwer# am# pantom# lino' pi', miripan para iyesi Penaro' Ekonekan nito' yau.

**1:18** 2 Pi'ta 3:3

22 Ikasimanin nan pi' t#usentu'mai' e'ti'; 23 t#aron kon imo'kati' apo' apai, to' pika'ti pe; t#aron kon pi' iusentu'mato' kon enpoikati', enari'n#an ni pokon pe t#usumai'—iri iteseru ton ke to' na'siku'p# to' pon ewaruma'ti'ma.

*Papa Apuripi'to'*

24 Miri awonsi'ki seri si, tanporo eke pe iku'to' nesii Papa iwano' pe, iye'pi'po namai' iku'nin, ay-aton a'kwa pe te'to' ya', t#amakooikenan pe p#ra miri awonsi'ki eke pe ri pori' pokon pe. 25 Tanporo eke pe iku'to' nesii itiwano' pe, k#ri ri riken Papa upika'tinin kon, Sises K#rai uyepuru kon poro. Ewai', eke pe iku'to', eke pe iye'to' yau imeruntir#, ipana'pano, miri awonsi'ki merunti esi itiwano' pe, itipiya yau ri, seri pe na'ne' miri awonsi'ki siyaro' ri! Amen.

**Wakɔ Itekare: Emenna' Pe Ekonekan Nito'  
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Akawaio

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 21 Feb 2024 from source files dated 29 Jan 2022

0a50da4e-768d-5472-9dd1-d9747ff5918f